

Si quid autē pro meritis potioribus sanctæ humilitati cordis tui dominus melius reuelavit siue reuelauerit, peto nobiscū cōmunicare digneris, & hæc nostra rescripta sic accipere, tanquā hominis, qui mallet quidē eorum quæ à me inquisisti habere sciētiam, quàm ignorātiā, quia id nondū potui, magis eligo tantā ignorantiam cōfiteri, quā falsam scientiam profiteri.

Hesy chius Augustino, docens diem supremum inquirendum esse. Epist. LXXIX

DOMINO beatissimo & charitate syncerissima uenerando fratri & coepiscopo Augustino, Hesy chius in domino salutem. Desideranti & expectanti mihi sanctus conpresbyter noster Cornutus litteras pertulit tuas, quæ me lætificauerunt, quia memoriam nostri bonam habere dignatus es, qui & mihi paucis sermone proprio sanctæ mētis tuæ de his quæ petieram in trāsitu significasti. Aliquanta autē de opusculis sancti cōpresbyteri Hieronymi adiūxisti, ut meam quæstionē lectiōe eius operis de sanctis scripturis explere possem. Et quia dignatus es id petere à nobis, ut quid sentiremus de ipsis quæstiōibus, per litteras tuæ syncerissimæ charitati insinuaremus, ad ea de quibus scripta legi, prout intellectus exiguus meæ mediocritatis sentire potuit aut intelligere, infra scripsi. Cū dei omnipotētis cōditoris totius creaturæ arbitrio & potestate cuncta gerantur, uel quæ facta sunt, uel quæ etiam futura sunt, sanctorū prophetarum uocibus cognoscuntur, qui priusquā fierēt ea quæ futura erant, uolūtate diuina hominibus sunt locuti. Vnde satis admiratiōe plenum est, si ea deus, quæ prædici uoluit, ad hominum sensus penitus nō posse peruenire constituit, secundum hoc capitulū, quod dominus beatis apostolis locutus est, dicēs: Nemo potest cognoscere tempora, quæ pater posuit in sua potestate. Primū quia in antiquissimis libris ecclesiarū nō ita scriptum est, Nemo potest, sed scriptum est, Non est uestrum nosse tempora uel momēta, quæ pater posuit in sua potestate. Quæ ratio sermōis sequenti uerbo recte cōpletur, cum dicit: Sed eritis mihi testes in Hierusalem, & in Iudæa, & in Samaria, & usq; ad ultimum terræ. Nō ergo apostolos testes consumationis mundi, sed nominis & resurrectionis suæ uoluit intelligi. Nam de temporibus cognoscēdis ipse dominus monet: Quis nam est fidelis seruus & prudens, quem cōstituit dominus super familiam suam, ut det illis cibum in tempore. Sanctus ille seruus, quem ueniens dominus eius inuenit sic facientem. Familia Christi uerbo prædicationis pascitur, & fidelis famulus inuenitur, qui in tempore expectatibus dominum, necessariam escam credentibus præstat. Malus cū seruus sic reprehenditur: Quod si dixerit malus seruus, moram facit dominus meus uenire, ueniet dominus eius in die qua nescit, & hora qua ignorat, & reliqua. Itē arguit quare tempus nō agnoscat, dicendo: Hypocritæ, faciem cœli nostis probare, tempus hoc quare non agnoscitis? Item Apostolus: In nouissimis diebus instabunt tempora periculosa, & reliqua.

1. Thes. 5. Item Apostolus: De temporibus autē & momentis nō necesse habemus uobis scribere, Vos enim ipsi diligēter scitis, quia dies domini sicut fur in nocte, ita ueniet. Cum enim dixerint, pax & securitas, tunc subitaneus illis apparebit interitus, quomodo dolores parturientis, & nō effugiēt. Item Apostolus: Nō retinetis memoria, quia cum essem apud uos, hæc dicebā uobis, & nunc quid detineat scitis, ut reuelatur in suo tempore. Nam mysterium iniquitatis iam operatur tētum, ut qui tenet modo teneat, donec de medio fiat, & tunc reuelabitur ille iniquus, quem dominus Iesus interficiet spiritu oris sui. Item dominus in euāgelio increpat Iudæos: Et tu si cognouisses tempus uisitatiōis tuæ, forsitan permanisses, nunc autē abscondita sunt ab oculis tuis. Et dominus sic prædicat ad Iudæos: Pœnitentiam agite, completa sunt tempora, credite euāgelio. Et ad Iudæos quidem recte completa dicebat, quia eorum tempora post eius prædicationē & triginta & quinque uel quadraginta annos finita sunt. Et in Daniele: Quoad usq; interfecta est bestia, periit, & corpus eius datum est ut comburatur, & reliquarum bestiarum regnum translātū est: & magnitudo uitæ data est eis usq; ad tempus & tempus, quod græce dicitur ἕως χρόνου καὶ καιρῶν. Et insequitur: Et ecce cum nubibus cœli quasi filius hominis ueniens. Mysterium bestię è reliquarū bestiarum translatiōe, intelligentibus scripturā manifestum est. Aduētus domini diligēdus est & expectandus. Est etiā magna

1. Timoth. 3

1. Thes. 5.

2. Thessal. 2.

Lucæ 19

Marci 1

Dan. 7